



Page: 12

Reach: 0

Country: BOSNIA AND HERZEGOVINA

Size: 356 cm2

1 / 1

**Pripadnici SIPA uhapsili osumnjičene za ratni zločin u Sanici**

# GALIĆ I SOVIJ STIGLI U TUŽILAŠTVO USK-a

**Drago nam je što je majka dočekala epilog ove tužne priče, kaže Haris Harambašić, sin ubijenog Mehmeda**

Postupajući po naredbi Tužilaštva Unsko-sanskog kantona, pripadnici Državne agencije za istrage i zaštitu (SIPA) lišili su jučer slobode Petra Galića iz Oštre Luke i Gorana Sovilja iz Prijedora, zbog postojanja osnovane sumnje da su počinili krivično djelo - ratni zločin protiv civilnog stanovništva.

Osumnjičeni su jučer predani Tužilaštvu USK-a, te su ispitani pred tužiocem Jasminom Mesićem iz Odjela za ratne zločine. Njima dvojici se stavlja na teret da su za vrijeme agresije na BiH, kao pripadnici Vojske RS-a, 1. juna 1992. godine u mjestu Sanica, općina Ključ, lišili života jednog civila bošnjačke nacionalnosti, a riječ je o Mehmedu Harambašiću.



Privođenje Petra Galića



Goran Sovilj

Vijest je jučer stigla i do obitelji Harambašić koja je dobila satisfakciju što su odgovorni konačno privedeni pred lice pravde.

- Mi smo zahvalni svim ljudima koji su učestvovali u tome da se odgovorni privedu,

ovo je vrhunac naših želja da se pravda uspostavi. Naročito mi je drago što je majka živa dočekala epilog ove tužne priče za nas, kazao nam je Haris Harambašić, sin ubijenog Mehmeda, zvanog Memko, kojeg

cijela Sanica još pamti.

Nakon što osumnjičeni budu ispitani, Kantonalnom sudu u Bihaću će biti upućen prijedlog za određivanje pritvora, saopćeno je jučer iz Tužilaštva USK-a.

**F. B.**